

10 Hli Ntuj tim 1, 2020

LUS TSHAJ TAWM TXOG KEV SIB TUA NYOB NTAWM LUB TSEV TXIAS SERENITY THIAB KEV SIV PHOM UA PHEM NYOB HAUV MILWAUKEE

Nroog Milwaukee Lub Chaw Ua Hauj Lwm Tiv Thaiv Kev Ua Phem nqua hu kom muaj kev txhawb ntxiv thiab los daws cov teeb meem siv phom ua phem nyob hauv Milwaukee.

Milwaukee, WI – Peb lub siab lub ntsws nyob nrog tsev neeg thiab cov phooj ywg raug tua nyob ntawm lub Tsev Txias Serenity rau hnub Wednesday. Yuav tsum tsis txhob muaj ib tsev neeg hauv peb lub zos ntsib txoj kev tu siab thiab kev mob siab los ntawm kev siv phom ua phem—tshwj xeeb nyob rau lub sij hawm muaj kev ploj kev tuag. Muaj tshaj 15 tus neeg raug tua hauv Milwaukee 24 teev dhau los. Txij lub 2 Hlis Ntuj xyoo no peb pom kev sib tua ua rau neeg tuag nce 100%. Ob peb xyoos dhau los, peb pom tias kev siv phom ua phem nce nyob rau lub caij nplooj ntoos zeeg. Peb yuav tsis tos kom huab cua txias es thiaj txo tau tej kev ua phem no.

Nyob rau xyoo 2020 peb pab neeg ua hauj lwm hauv 414 LIFE pom hais tias raws li peb kev koom tes nrog Froedtert Hospital, cov neeg raug phom lawv xa los rau peb nce 54% lawm. Pab neeg ua hauj lwm tau saib xyuas tshaj 53 tus neeg raug mob nyav rau xyoo no, tej zaum yuav yog los ntawm kev tsib tua. Qhov kev siv phom ua phem no yuav tsum yog tag nrho peb txhua tus los ua hauj lwm kom nyav tshaj thiaj li txo tau tej kev tsis sib haum xeeb thiab daws tej teeb meem thiab kev tsis sib nkgab siab kom tsis txhob siv phom ua phem.

Nyob rau xyoo 2015, Milwaukee pom kev sib tua tuag nce txog 70%. Txij thaum ntawv los, peb mob siab ua hauj lwm los daws tej kev phem no ib yam li ib tug mob uas raug rau cov pej xeeb thiab muab nyiaj txiag pab ntxiv rau hauv zej zog pab nrog daws tej teeb meem uas qhia nyob rau hauv qhov Blueprint for Peace (txoj kev ua kom nyob kaj siab lug). Kev ua phem nyob rau xyoo 2020 tau nce siab heev tom qab uas 4 lub xyoos twb txo lawm ntau txij xyoo 2016-2019. Kev muab tau phom los siv nrog rau kev ntxhov siab, kev tsis sib haum xeeb, thiab tag kev cia siab vim Covid-19 yog ib qho ua kom muaj kev ua phem tau nyob hauv tej zej zog thoob plaws lub teb chaws. Xyoo no peb pom tias kev rov qab txo yus txoj sia thiab sib tua pib los ntawm kev sib tua nyob ntawm lub chaw ua hauj lwm Molson Coors.

Peb yuav tsum saib hais tias txhua zaus uas muaj kev sib tua yog ib qho xwm txheej ceev heev thiab yuav tau maj nroos xyuas kom sai li sai tau.

Kev tshawb txog neeg qhov keeb kwm (Universal Background Checks) thiab qhov Emergency Risk Protection Orders yuav pab txo tau kev rov qab txo yus txoj sia thiab kev ua phem uas yog muab phom sib tua. Ntxiv mus, peb nqua hu cov thawj coj hauv lub xeev kom muab kev txhawb rau kev ntsuam xyuas tsim tsa kom muaj ib pob nyiaj los khiav hauj lwm tiv thaiv kev ua phem thoob plaw lub xeev kom txhawb tau tej zej zog, tej tswv yim muaj pov thawj txhawb qhia tau hais tias yeej txo tau kev siv phom ua phem thiab txhawb kom muaj kev nyab xeeb thiab noj qab nyob zoo rau pej xeeb sawv daws.

Kev ua kom tus mob zoo mus ceev ib yam li muaj kev ncaj ncees, thiab muaj ntau tsev neeg nyob ntshai rwg thiab chim siab vim hais tias tseem nrhiav tsis tau cov neeg ua phem rau lawv thiab muab tsis tau cov neeg ntawd los rau txim. Peb thov nqua hu cov neeg paub txog tej kev sib tua kom hu rau Milwaukee Crime Stoppers ntawm 414-224-TIPS uas tsis tas qhia tias nws yog leeg twg. Yuav muaj nyiaj paj tshab rau tus neeg hu ntawd yog hais tias qhia tau cov lus tseeb es nrhiav thiab ntes tau tus neeg phem.

Xav tau kev pab cuam dawb los yog kev txhawb thov hu rau:

414 LIFE (pab nrog daws teeb meem): 414-828-2006

Milwaukee County 24 Hour Mental Health Crisis Line: 414-257-7222

Milwaukee Child Mobile Crisis and Trauma Response Team (muab kev txhawb pab dawb rau cov me nyuam raug teeb meem los ntawm kev ua phem): 414-257-7621

Domestic Violence Lifeline: 414-933-2722

National Crisis Text Line: text *HOPELINE* to 741741 sau text nrog rau ib tug neeg paub hauj lwm Crisis Counselor.

National Suicide Prevention Hotline: 800-273-8255.

Crime stoppers Anonymous Tip Line: 414-224-TIPS (8477)

City of Milwaukee Health Department Office of Violence Prevention: www.milwaukee.gov/staysafe

Note: Lub Chaw Ua Hauj Lwm Tiv Thaiv Kev Ua Phem yuav muab cov ntaub ntawv tshiab txog kev npaj tiv thaiv rau cov Thawj Tswj Common Council Public Safety and Health Committee lub rooj sib tham taig kis no thaum 9:00am. Mus saib tus txheej txheem ntawm no:

<https://milwaukee.legistar.com/DepartmentDetail.aspx?ID=35593&GUID=E00472D0-C9A5-4307-9675-0C8D88F0D889>

Ntawm cov ntaub ntawv tshiab no yog los saib txog Milwaukee qhov Blueprint for Peace seb zoo li cas lawm, Kev Tiv Thaiv Kev Tsim Txom Ua Phem, 414 LIFE thiab peb qhov Trauma Response Partnership nrog rau Milwaukee County.

Lub rooj sib tham yuav yog nyob saum huab cua. Cov neeg xav mus saib tau nyob hauv City Channel 25 online ntawm: <http://city.milwaukee.gov/citychannel>

Xav paub ntau ntxiv thov sau ntawv los yog hu rau:

Reggie Moore

Injury and Violence Prevention Director

City of Milwaukee Health Department Office of Violence Prevention

C: 414-559-8925

E: reggie.moore@milwaukee.gov